



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vita Ioannis Berchmanni Flandro-Belgæ Religiosi  
Societatis Iesv**

**Cepari, Virgilio**

**Antverpiæ, 1630**

Modestia Joannis.

[urn:nbn:de:hbz:466:1-46083](#)

Musicæ audiendæ attentos , illos huc illuc circumspicientes, alios confabulantes, solus hic Iuuenis orat eā modestiā, eoque corporis habitu, vt sanctus mihi esse videatur.

*Modestia  
Ioannis.*

Hanc oculorum yerecundiam cum insigni morum gratiā moderationeque actionum omnium , seu staret, seu incederet , seu rem aliam ageret, coniungebat: planè vt nonnulli dicerent, scriptas ab IGNATIO Modestiae Regulas, si interijssent, vel in Ioanne denuò potuisse reperiri ; adeò Modestiae ipsius imaginem præ se ferebat. Aiebant alij , etiam si cælestis aliquis genius , humanâ carne vestitus, hominis membra induisset, non fuisse maiore modestiā usurum : tanto ad eam studio Ioannes incubuerat , vt & summo in gradu obtineret.

Affirmauit aliquando sodali cuidam suo, timere se, ne in modestiæ leges peccaret , plus nimio demittendo caput ; obtestatus vti aduenteret animum an aliquando erraret , moneretque , pollicitus seriò se esse emendatum. Quod verò certius perfectissimæ laudis huius argumentum, quam quod commilitones ei nomen imposuere Patris Modesti, ac Modestissimi, tantaq; eum voluptate spectare sint soliti per atrium transeuntem rediuntemque è scholâ , vt eo spectaculo sæpius retinerentur? Adeò certè modestiâ eius excitatabantur.

tabantur, ut illius precibus, aliorum Patrum rogatu commendari se flagitarent. Cùm vero positas de Philosophiâ quæstiones extremo studiorum cursu propugnaret, quidam ex ipso Theologicæ scholæ limine (in quâ disputandum erat) in cathedrâ stantem conspicati, iucundè inter se capita conferentes, Heus, aiebant, Theses tuebitur Modestissimus Pater noster; quin horâ vnâ alteraque capimus voluptatem eius intuendi?

Post mortem reperi schedam, sic ab eo de modestiâ scriptam: *Modestia virtus est, quæ motus omnes animi corporisq; cum honestate ac decentia moderatur. Eius virtutis actiones continentur Regulis à B. P. Ignatio de modestiâ scriptis. Incitamenta quæ ad eius obseruationem inuitant, ista sunt: Primum, Imitari modestiam verecundiamq; B. Virginis, quæ adeò his virtutibus excellebat, ut eâ conspectâ dixerit Dionysius Areopagita, nisi aliter per fidem esset edocitus, pro Deâ illam fuisse veneraturum. Secundum, S. Ignatius multis lacrymis quæ de modestiâ reliquit precepta septies irrigauit. Tertium, Immodestus iniuriam facit Passioni Christi, qui nostram scilicet immodestiam, membrorum suorum omnium cruciatibus expiavit. Quartum, Immodestus, Matris nostræ Societatis, cui nos cordi adeò sumus, pudorem onerat, letitiam corrumpit, formamq; commaculat. Quintum, Dei unde.*